



NAFARROAKO PARLAMENTUKO

ALDIZKARI OFIZIALA

VIII. legegintzaldia

Iruña, 2012ko urtarrilaren 23a

9. ZK.

A U R K I B I D E A

A SAILA:

Foru lege proiektuak:

—Foru Legea, gizarteratze-errenta arautzen duena. Osoko Bilkurak onetsia (2. or.).

B SAILA:

Foru lege proposamenak:

—Foru Lege proposamena, Euskarari buruzko abenduaren 15eko 18/1986 Foru Legea hein batean aldatzekoa. Osoko Bilkurak aintzat ez hartua (8. or.).

—Foru Lege proposamena, ordainsari publikoen mugei eta bateraezintasunei buruzkoa. Osoko Bilkurak aintzat ez hartua (8. or.).

—Foru Lege proposamena, Nafarroako Ogasun Publikoari buruzko apirilaren 4ko 13/2007 Foru Legea aldatzekoa. Osoko Bilkurak aintzat ez hartua (8. or.).

—Foru Lege proposamena, Osasunari buruzko azaroaren 23ko 10/1990 Foru Legea aldatzekoa. Osoko Bilkurak aintzat ez hartua (9. or.).

—Foru Lege proposamena, Nafarroako Foru Komunitateko administrazioari buruzko abenduaren 3ko 15/2004 Foru Legeko 109. eta 126. artikulua aldatzekoa. Osoko Bilkurak aintzat ez hartua (9. or.).

E SAILA:

Jabeldurak, mozioak eta adierazpen politikoak:

—Erabakia. Horren bidez, Nafarroako Gobernua premiatzen da aurkez dezan babes ofizialeko etxebizitzaren moduluaren prezioari buruzko txosten bat. Osoko Bilkurak onetsia (10. or.).

—Mozioa. Horren bidez, Nafarroako Gobernua premiatzen da “Zeure burua begietsi” proiektua garatzeko protokolo bat ezar dezan. Osasun Batzordeak bazter utzia (10. or.).

—Mozioa. Horren bidez, Nafarroako Gobernua premiatzen da azter dezan arrazoizkoa ote den Nafarroako Unibertsitateko langileen osasun prestazioa, oinarritzkoa nahiz espezializatua, kanpoan kontratatzen jarraitzea. Osasun Batzordeak bazter utzia (11. or.).

A saila:
FORU LEGE PROIEKTUAK

Foru Legea, gizarteratze-errenta arautzen duena.

OSOKO BILKURAK ONETSIA

Nafarroako Parlamentuak, 2012ko urtarrilaren 17an egindako Osoko Bilkuran, gizarteratze-errenta arautzen duen Foru Legea onetsi zuen.

Legebiltzarreko Erregelamenduko 146. artikuluan ezarritakoa betez, argitara dadin agindu da.

Iruñean, 2012ko urtarrilaren 18an

Lehendakaria: Alberto Catalán Higuera

Gizarteratze-errenta arautzen duen Foru Legea

ZIOEN AZALPENA

1

Nafarroako Foru Eraentza Berrezarri eta Hobe-tzeari buruzko abuztuaren 10eko 13/1982 Lege Organikoak, 44. artikuluan, eskumen osoa ematen dio Nafarroako Foru Komunitateari gizarte laguntzaren arloan, eta, horretaz baliatuz, Nafarroako Parlamentuak Gizarte Zerbitzuei buruzko martxoaren 30eko 14/1983 Foru Legea onetsi zuen. Foru lege horretan laguntza ekonomikoak aurreikusitakoak ziren, bazterturik dauden pertsonen integrazioa edo gizarteratzea bultzatzeko neurri gisa.

Ekainaren 28ko 168/1990 Foru Dekretuaren bidez, gizarte zerbitzuen arloko banakako prestazioak nahiz familientzakoak arautzen dira, eta Foru Komunitatean estreinakoz ezartzen da oinarritzko errentaren prestazioa, honela definituta: pertsona bakarreko familietarako eta familia-unitateetarako prestazioa, lehentasunezko premiei aurre egitea bermatzen duten zenbait diru-sarrerara jasotzea helburu duena.

Nafarroako Gobernuak egin eta 1999ko otsailaren 5ean Parlamentuak berretsi zuen Gizarte Bazterketaren aurkako Planak ezartzen duenez, beharrezkoa da oinarritzko errenta egokia, haren premia duten familia nafarren ezaugarriekin bat datorrena, muturreko pobrezia pairatzen duten familientzako gutxieneko diru-sarrerak bermatze-

ko, horiek gabe nekez emanen baitira aurrerapau-soak familia horietako kideen gizarteratzean.

Ildo berean, Eskubide Sozialen Gutun baterako apirilaren 6ko 9/1999 Foru Legeak nafar guztientzako oinarritzko errenta aldarrikatzen du, eskubide guztiez osotara baliatu ahal daitezkeen. Legearen artikuluetan, oinarritzko errenta horren zenbatekoa ezartzen da, eta, horrekin batera, hartzaileek izanzen dituzten betebeharrak ere bai; halaber, Nafarroako Gobernuari ahalmena ematen zaio legearen edukia garatzeko, eta hala egin zuen, Oinarritzko Errenta arautzen duen apirilaren 19ko 120/1999 Foru Dekretuaren bidez.

Geroago, Gizarte Zerbitzuei buruzko abenduaren 14ko 15/2006 Foru Legeak prestazio bermatutzat hartu zuen oinarritzko errenta, hau da, errenta hori jasotzeko baldintza berariazkoak betetzen dituzten pertsonen eskubide subjektibotzat eta, beraz, Administrazio Publikoari exijitzeko modukotzat.

Azkenik, Gizarte Zerbitzu Orokorren Zorroa onetsi zuen ekainaren 17ko 69/2008 Foru Dekretuak eta Eskubide Sozialen Gutun baterako apirilaren 6ko 9/1999 Foru Legea aldatu zuen uztailaren 2ko 13/2008 Foru Legeak osatu dute, gaur arte, prestazio hau Nafarroako Foru Komunitatean arautzeko testu multzoa.

2

Prestazio hau gizartean bazterturik dauden pertsonen arreta emateko xedearekin sortu zen, pertsona horien oinarri-oinarritzkoak diren premiei erantzuteko baliabide gisa, beraiei eta beren familia-unitateei gizarteratzen laguntzeko; egungo krisi ekonomikoaren ondorioz, ordea, aldaketak gertatu dira helburuari eta hasieran aurreikusitako hartzaileei dagokienez. Oinarritzko errenta berriki jasotzen hasi direnetako askok ez dute jasotzen prestazioa gizartean bazterturik egoteagatik, lana galdu eta langabeziaren prestazioak eta sorospen guztiak ahitu zaizkielako baizik.

Oinarrizko errenta modu koiunturalean jasozten duten pertsona hauei, inola ere "baztertu sozialak" ez baitira, gizarteratzean erabiltzen direnez bestelako tresnak eman behar zaizkie, tresna ahalik eta egokienak benetan eskatzen dutena lortzeko, laneratzea edo beren enplegua hobetzea alegia, eta pertsona horien egoera, beraz, foru lege honen aplikazio esparrutik kanpo dago.

Langabeziaren prestazioak eta sorospenen ahitu zaizkien langabeen kolektiboarentzako laguntzak propio, bereiz eta berariaz arautuko dira, kasuko foru dekretuaren bidez.

Egungo errealitate sozialak oinarrizko errentaren prestazioaren programa birmoldatzea eskatzen du, eta berresten beharrezkoa dela arau aldaketa bat, prestazioak jasoko dituzten gizatalde desberdinei zuzendutako bi ibilbide ezartzeko: bata, gizartean bazterturik dauden familia-unitateentzat, oinarrizko premiei erantzuteko eta gizarteratzen laguntzeko helburua izanen duen prestazio ekonomiko bat jaso dezaten, eta bestea, langabezian eta laneko prestazio eta sorospenik gabe gelditu diren pertsonentzat. Sistema zuzen eta justua goa bilatzea da asmoa, errealitate sozial berrirako egokia, elkartasun iraunkorraren eta ekitatearen printzipioak betetzeko.

Inguruabar horiek direla eta, oinarrizko errentaren prestazioa arautu eta eguneratuko duen arau berri baten beharra dago; aurrerantzean gizarteratze-errenta izanen da, gizartean bazterturik dauden Nafarroako bizilagunen beharrei erantzuteko xedearekin.

Horrenbestez, gizarteratze-errentaren prestazioari buruzko arau honek jasotzeko baldintzak ezartzen ditu, berariaz definitzen ditu prestazioaren aplikazio esparruan sartutako kontzeptuak eta egoerak, prestazioa salbuespeneko izaeraz jasotzeko irizpideak arautzen ditu, eta onuradunen eskubideak eta betebeharrak zehazten ditu.

Era berean, foru legean jasotzen den Gizarteratze Akordioaren inguruan berritasun aipagarri bat dago, aurreko arauarekin alderaturik, hementik aurrera Gizarteratze Akordioaz gain Gizarteratze eta Laneratze Akordia ere izanen baita. Gizarteratze Akordia, batetik, gizarte-bazterketako egoeran modu iraunkorrean dauden pertsonentzat izanen da, edo gizarteratzea laneratzearen bitartez bideratzerik ez dagoela irizten zaionean; eta Gizarteratze eta Laneratze Akordia, bestetik, egoera horretan aldi baterako dauden pertsonentzat, hau da, laneratze ekintzen bidez egoera gainditzeko moduan daudenentzat, izanen da.

Egiturari dagokionez, foru legeak bi kapitulu ditu: lehenbizikoan gizarteratze-errentari buruzko

xedapen orokorrak daude: prestazioaren xedea eta izaera; onuradunak; jasotzeko baldintzak; zenbatekoak eta aldiak; onuradunak Gizarteratze Akordioaren bidez bere gain hartu behar dituen betebeharrak; eta azkentzeko arrazoiak. Bigarrenean, berriz, gizarteratze-errentarako zehapen araubidea arautzen da; bertan, foru legean tipifikatutako arau-hausteak, ekintzak edo ez betetzeak eta zehapenak berariaz egokitzen zaizkie prestazio honen arloan gertatzen diren portaera antijuridikoei, eta ez da beraz beti aplikatzen Gizarte Zerbitzuei buruzko abenduaren 14ko 15/2006 Foru Legean ezarritako zehapen araubidea, zeina aplikatzen baitzaie nagusiki foru lege horren aplikazio esparruaren barruan dauden entitate publiko eta pribatuek izandako jarduketa antijuridikoei; nolana ere 15/2006 Foru Legeak izaera osagarria izanen du bestean aurreikusi gabeko kasuetarako, eta zehapen prozedurak Nafarroako Foru Komunitateko Administrazioari buruzko abenduaren 3ko 15/2004 Foru Legean ezarritako bide orokorrak beteko ditu.

Foru Legearen funtsezko helburua da gizarteratze-errenta prestazio zuzenagoa izatea, gizarteraren behar eta eskari berrietara egokitua, eta segurtasun juridikoa areagotzea hura jaso eta tramitatzean, bai eta zehapen araubidea aplikatzean ere.

I. KAPITULUA **Xedapen orokorrak**

1. artikulua. Prestazioaren helburua eta definizioa.

1. Foru lege honen xedea da aldizkako prestazio ekonomiko bat, gizarteratze-errenta izenekoa, arautzea; prestazioaren helburua da gizartean bazterturik dauden familia-unitateen oinarrizko beharrei erantzutea eta haiek gizarteratzen laguntzea.

2. Gizarteratze-errenta indarreko legeetan aurreikusitako beste edozein motatako baliabide edo prestazio ekonomikoen osagarria eta subsidiarioa da, eta horiek osotara erabili beharko dira gizarteratze-errentaren eskaera egin aurretik.

3. Prestazio bermatu hau foru lege honetan eta bere aplikazio eta garapenerako xedapenetan ezarritako irispen eta baldintzekin onartuko da, eta indarreko lege antolamenduarekin bat.

2. artikulua. Prestazioaren hartzaileak.

1. Prestazioaren hartzaileak izanen dira gizartean bazterturik dauden eta foru lege honetan eta bere garapenerako erregelamenduzko xedapene-

tan aurreikusitako baldintzak betetzen dituzten familia-unitateetako kideak.

2. Oro har, familia-unitate bakoitzak gizarteratze-errenta bakarra jaso ahal izanen du.

Bizileku berean bi familia-unitate edo gehiago bizi badira, aldi berean emandako prestazioen batura ez da izanen kide kopuru bereko familia-unitate bakar bati legokiokeenaren halako bat eta erdi baino handiagoa. Zenbateko hori batera bizi diren familia-unitateen artean hainbanatuko da, unitate bakoitzeko kide kopuruaren arabera.

3. artikulua. Prestazioa jasotzeko baldintzak.

1. gizarteratze-errenta jasotzeko baldintzak erregelamenduz ezarriko dira, eta gutxienez hauek eskatuko dira:

a) Hogeita bost urtetik gorakoa eta hirurogeita bost urtetik beherakoa izatea.

b) Legezko bizitokia Espainiako lurraldean izatea.

c) Nafarroan bizitokia izatea, jarraian eta egiazki, eskaera aurkeztu baino lehenagoko hogeita lau hilabeteetan gutxienez.

d) Familia-unitatearen azken seihilekoko baliabide ekonomikoak hilean legokiokeen gizarteratze-errentaren zenbatekoa baino txikiagoak izatea.

e) Aldez aurretik eskatu izana eskumena duen edozein administrazio publikotan zuzenbideari jarraikiz legozkiokeen laguntzak, pentsioak, prestazioak edo sorospinak, edozein motatakoak, mantenu eta/edo konpentsazioko pentsioak ezarri eta ordaintzeko legezko ekintzak betetzea barne.

2. Salbuespen gisa, gizarte politikaren arloko eskumena duen departamentuaren titularrak emandako foru agindu bidez, eta espedientean objektibotasunez justifikatutako arrazoiengatik, beste pertsona batzuk ere prestazioaren hartzaile izan ahalko dira, baldin eta, haien familia-unitateek a) eta d) baldintzak bete gabe ere, premia egoeran gelditzea eragin duten inguruabarrak badaude, erregelamenduz zehaztuko direnak.

4. artikulua. Zenbatekoak.

1. Gizarteratze-errentaren prestazioaren zenbatekoa zehazteko, erlazioan jarri beharko dira errentak ezarriak dituen zenbatekoak, familia-unitatearen diru-sarrerak eta familia-unitateko kideen kopurua; horretarako, eskala honi jarraituko zaio:

a) 1 pertsona: 641,40 euro gehienez.

b) 2 pertsona: 769,68 euro gehienez.

c) 3 pertsona: 833,82 euro gehienez.

d) 4 pertsona: 897,96 euro gehienez.

e) 5 pertsona edo gehiago: 962,10 euro gehienez.

Gizarteratze-errentaren zenbatekoa, hortaz, familia-unitatearen hileko baliabide ekonomikoak aurreko kopuru horiek aplikatuta ateratzen den emaitza iritsi arte osatzeko behar den kopurua izanen da.

2. Gizarteratze-errentaren gehieneko zenbatekoak urtero finkatuko dira Nafarroako Aurrekontu Orokorren Foru Legean, eta gutxienezko zenbatekoak erregelamenduz ezarriko dira.

3. Gizarteratze-errenta jasotzen hasi eta hamahirugarren hilabetetik aurrera, eta gehienez ere hogeita lau hilabeteetan, prestazioaren zenbatekoak hileko baliabide ekonomikoak osatuko ditu, familia-unitaterako artikuluko honen 1. idatz-zatian aurreikusitako zenbatekoaren 100eko 90eraino.

5. artikulua. Jasotzeko aldia.

1. Gizarteratze-errenta gizarte politikaren arloko eskumena duen departamentuak emanen du, sei hilabeterako, oro har, baina aldi horiek berritu ahal izanen dira, gehienez ere hogeita lau hilabete egin arte.

2. Salbuespen gisa, gizarte politikaren arloko eskumena duen departamentuaren titularrak emandako foru aginduaren bidez, aurreko idatz-zatian ezarritako aldi edo epeak gainditu ahal izanen dira salbuespeneko arrazoiak daudenean edo bazterketa egoera finkatua denean, betiere, erregelamenduz aurreikusitako egoerak badira.

Hogeita lau hilabete iraganik, epeak salbuespeneko izaeraz berritzen badira, prestazioaren zenbatekoak hileko baliabide ekonomikoak osatuko ditu aurreko artikuluko 1. idatz-zatian familia-unitatearentzat aurreikusitako zenbatekoaren 100eko 80eraino.

6. artikulua. Onuradunen betebeharrak.

Gizarteratze-errentaren prestazioaren hartzaileek betebeharrak hauek izanen dituzte:

a) gizarteratze-errenta zertarako eman zaien, hartarako erabiltzea.

b) Dituzten baliabideak arduraz administratzea, egoera ekonomikoa edo bazterketa larriagotu ez dadin.

c) Bizitokia Nafarroan izatea, jarraian eta egiazki, prestazioa jasotzen den denbora gutzian.

d) Familia-unitateko adingabeak eskolatzea eta ziurtatzea ikastetxeetara joaten direla modu akti-

boan, jarraituan eta etengabe, nahitaezko hezkuntzaren etapan.

e) Gizarteratze Akordioa izenpetu eta betetzea.

f) Prestazioa jasotzen den aldi osoan, eskatzaileari nahiz familia-unitateko edozein kideri legozkiokeen prestazio ekonomikoetarako eskubide oroz baliatzea.

g) Lanerako prest egotea, bai titularra bai prestazioaren gainerako onuradunak ere, lanerako adina dutenak, salbu eta, oinarrizko gizarte zerbitzuen eta/edo gizarteratze- eta laneratze-taldean iritziz, lan merkatuan sartzeko egoeran ez dauden kasuan.

h) Oinarrizko gizarte zerbitzuetako eta arlo honetako eskumena duen departamentuko profesionalak, bere egoeraren jarraipena egiteko deituz gero, elkarrizketara joatea, Gizarteratze Akordioan adierazitako maiztasun eta baldintzekin.

i) Gizarteratze-errentaren hartzailearen ohiko bizilekua aldatutako guztietan, aldaketa horren berri ematea.

j) Erregelamenduz aurreikusten diren betebeharrak guztiak.

7. artikulua. Gizarteratze Akordioa

1. Gizarteratze-errenta emateko, beharrezkoa da gizarteratze-akordio bat izenpetzea; bertan jasoko dira gizarteratze-errentaren hartzaileek bere gain hartutako konpromisoak, batetik, eta Administrazio Publikoak gizarteratzeko edo gizarteratu eta laneratzeko ibilbidea egiten laguntzeko emanen duen sostengua.

2. Akordioa izan daiteke gizarteratzeko soilik, edo gizarteratzeko eta laneratzeko; hori erabakitzeke, kontuan hartuko da, batetik, prestazioa jasotzen duen familia-unitateko kideek zer ezaugarri, behar eta aukera dituzten, eta, bestetik, Akordioan zer helburu aurreikusitako diren.

3. Gizarteratze eta gizarteratu eta laneratze akordioan edukiak eta horiek izenpetzeko epeak erregelamenduz garatuko dira. Gizarteratze Akordioan jaso ahal izanen da, onuradunen betebeharrak gisa, lankidetzak jardueretan, borondatezko lanaren zerbitzuetan eta gizartearen onurako bestelako jardueretan parte hartzekoa, baita arlo horietan lotutako prestakuntza jardueretan ere.

8. artikulua. Prestaziorako eskubidea azkenetzea.

Gizarteratze-errentaren prestazioa arrazoi hauetakoren bategatik azkenduko da:

a) Eman zen aldia amaitzeagatik.

b) Prestazioa emateko aintzat hartutako baldintzak aldatzeagatik, halako moduan non onuraduna prestazioa jasotzeko eskatutako baldintzetatik kanpo uzten baitute.

c) Gizarteratze Akordioa ez bidaltzeagatik, behar bezala beteta, gizarte politikaren arloko eskumena duen departamentuko kasuan kasuko unitate administratibora.

d) Gizarteratze Akordioa ez betetzeagatik.

e) Prestazioa jasotzeko eskatzen diren inguruabarrei edo baldintzei buruz behar diren datuak ezkatutzeagatik edo okerreko informazioa emateagatik.

f) Borondatezko baja edo lan eszedentzia hartzeagatik, edo lan eskaintza bati uko egiteagatik prestazio jasotzen duen aldiaren.

g) Ezarritako betebeharrak edo baldintzetako bat ez betetzeagatik.

h) Onuradunaren heriotzagatik, salbu eta familia-unitateko beste pertsona baten subrogazioa gertatzen den kasuetan, erregelamenduz ezartzen den moduan.

i) Pertsona titularrak uko egiteagatik.

j) Erregelamenduz aurreikusten direnak.

II. KAPITULUA **Zehapenen araubidea**

9. artikulua. Subjektu erantzuleak.

Kapitulu honetan tipifikaturiko arau-haustetzat har daitezkeen ekintzak edo ez-betetzeak egotzi ahal zaizkien pertsona fisikoak dira subjektu erantzuleak.

10. artikulua. Arau-hausteak.

1. Prestazioaren hartzaileen ekintzak edo ez-betetzeak arau-hausteak dira lege edo erregelamenduzko araudiaren kontrakoak direnean, foru lege honetan tipifikatu eta zehatutakoak. Arau-hausteari zehapena ezarri aurretik, dagokion prozedura tramitatu beharko da.

2. Arau-hausteak arinak, larriak eta oso larriak izan daitezke.

11. artikulua. Arau-hauste arinak.

Hauetako arau-hauste arinak:

a) Prestazioaren titularraren bizilekuari, jasotzen diren diru-sarrerari edo familia-unitateko kideei dagokienez gertatutako edozein aldaketaren berri emateko beharkizuna ez betetzea, aldaketa horiek gizarteratze-errenta bidegabeki jaso, aldatu edo gordetzea eragiten ez dutenean ere.

b) Gizarteratze-errenta jasotzeko baldintzak ez direla betetzen jakinik ere, hura eskuratu edo gordetzeko xedea duten ekintzak, ekintzen ondorioz asmoa lortzen ez denean ere.

c) Errentaren hartzaileak prestazio eta zerbitzuetarako ezarritako arauak, betebeharrak, prozedurak eta baldintzak ez betetzea, eta Gizarteratze Akordioan ezarritako programari eta gizarte zerbitzuetako profesionalen orientabideei ez jarraitzea edo horiek ez betetzea, halako moduan non esku-hartze sozialaren xedea aldatzen den.

d) Gizarte Zerbitzuei buruzko abenduaren 14ko 15/2006 Foru Legearen 85. artikuluen c) eta d) letretan aurreikusitako arau-hauste arinak.

12. artikulua. Arau-hauste larriak.

Hauek dira arau-hauste larriak:

a) Arau-hauste arina berriz egitea.

b) Gizarteratze-errenta jasotzeko baldintzak ez direla betetzen jakinik ere, hura eskuratu edo gordetzeko xedea duten ekintzak, ekintzen ondorioz prestazioetakoren bat bidegabeki jasotzen bada, arau-hauslearen ezaugarriak dituen familia-unitate bati, urtean, gizarteratze-errenta gisa legokiokeen gehieneko zenbatekoaren 100eko 100 edo gutxiago kobratuta.

13. artikulua. Arau-hauste oso larriak.

Hauek dira arau-hauste oso larriak:

a) Arau-hauste larria berriz egitea.

b) Gizarteratze-errenta jasotzeko baldintzak ez direla betetzen jakinik ere, hura eskuratu edo gordetzeko xedea duten ekintzak, ekintzen ondorioz prestazioetakoren bat bidegabeki jasotzen bada, arau-hauslearen ezaugarriak dituen bizikidetz-unitate bati, urtean, gizarteratze-errenta gisa legokiokeen gehieneko zenbatekoaren 100eko 100 baino gehiago kobratuta.

14. artikulua. Zehapenak.

1. Arau-hauste arinei dagokien zehapena ohar-tarazpena edo 100 eurotik 300 eurora bitarteko isuna izanen da, edo gizarteratze-errentaren prestazioa epe batez jasotzeko debekua, sei hilabete-tik urtebetera bitarte.

2. Arau-hauste larriei dagokien zehapena 301 eurotik 1.000 eurora bitarteko isuna izanen da, eta/edo gizarteratze-errentaren prestazioa epe batez jasotzeko debekua, urtebetetik bi urtera bitarte.

3. Arau-hauste oso larriei dagokien zehapena 1.001 eurotik 3.000 eurora bitarteko isuna izanen

da, eta gizarteratze-errentaren prestazioa bi urtetik hiru urtera bitarteko epean jasotzeko debekua.

4. Artikulu honetan aipatzen diren zehapenez gain, bidegabeki jasotako kopuruak itzuli beharko direla ulertzen da.

15. artikulua. Araubide osagarria eta zehapen prozedura.

1. Foru lege honetan aurreikusirik ez dagoen guztian, izaera osagarriaz aplikatuko da Gizarte Zerbitzuei buruzko abenduaren 14ko 15/2006 Foru Legean aurreikusitako zehapen araubidea.

2. Foru lege honetan aurreikusitako zehapenak ezartzeko prozedura Nafarroako Foru Komunitateko Administrazioari buruzko abenduaren 3ko 15/2004 Foru Legean ezarritakoa izanen da, erregelamenduz ezar daitezkeen berezitasunak galaz-razi gabe.

Lehen xedapen gehigarria. Gizarte Zerbitzuei buruzko abenduaren 14ko 15/2006 Foru Legearen eta Nafarroako gizarte zerbitzuen arloko araudia- ren aldaketa.

1. Gizarte Zerbitzuei buruzko abenduaren 14ko 15/2006 Foru Legearen 20. artikuluko b) letra alda- tu eta honela geldituko da:

“b) Gizarteratze-errentaren prestazioa”

2. Foru lege honek indarra hartzen duenetik aurrera, Nafarroako gizarte zerbitzuen arloko arau- etan oinarritzko errentaren prestazioari buruz dau- den aipamen guztiak gizarteratze-errentaren pres- tazioari buruzkoak direla ulertuko da.

Bigarren xedapen gehigarria. Espedienteen tramitazioa.

Foru Komunitateko Administrazioak kudeaketa informatikorako eta Oinarritzko Gizarte Zerbitzue- kin koordinatzeko tresna berriak diseinatzeko behar diren jarduketak sustatuko ditu, espediente- ak arinago tramitatu eta arauetan horretarako eza- rritako epeak betez ebazteko.

Lehen xedapen iragankorra. Prestazioak eskatzeko aldi baterako araubidea.

1. Foru lege honek indarra hartzen duenean tramitean diren oinarritzko errentaren eskaerak arau horretan xedatutakoari jarraikiz ebatziko dira, eta, beharrezkoa bada, tramitatzeko dokumentazio osagarria eskatuko da.

2. Foru lege honek indarra hartzen duenetik aurrera, oinarritzko errentaren hartzaileek gizarte- ratze-errentaren prestazioak berritzeko egiten dituzten eskaerak arau honetan ezarritakoaren arabera tramitatu eta ebatziko dira, salbu eta

jarraian eta egiaz bizitokia izateko betebeharra, foru legearen 3. artikuluko c) letrakoa, hemezortzi hilabetekoa izanen baita.

Bigarren xedapen iragankorra. Prestazioak eta sorospenak ahitu zaizkien langabeentzako laguntzak.

Gizarte Politika, Berdintasun, Kirol eta Gazteriarren kontseilariaren foru agindu baten bitartez, iragankor izaeraz ezarriko dira langabeziaren prestazio eta sorospenak ahitu zaizkien langabeentzako laguntzak eskuratzeko baldintzak eta betekizunak, Nafarroako Gobernuak laguntza mota hori behin betiko arautzen duen foru dekretua egin arterakoak.

Foru dekretu hori onetsi beharko da foru lege honek indarra hartu eta sei hilabeteko epean.

Xedapen indargabetzaile bakarra. Arauak indargabetzea.

Indarrrik gabe gelditu dira foru lege honetan xedatutakoari aurka egiten dioten maila bereko edo txikiagoko xedapen guztiak. Zehazki, berariaz indarrrik gabe gelditu dira Eskubide Sozialen Gutun baterako apirilaren 6ko 9/1999 Foru Legearen III. titulua, "Oinarrizko Errenta", eta Gizarte zerbitzu orokorren zorroa onesten duen ekainaren 17ko 69/2008 Foru Dekretuaren I. eranskinean, bermatutako prestazioei buruzkoan, F arloko 7. atala, oinarrizko errentari buruzkoa.

Azken xedapenetan lehena. Erregelamendu bidezko garapena.

1. Foru lege honek indarra hartu eta sei hilabeteko epean, Nafarroako Gobernuak foru dekretu bidez onetsiko du gizarteratze-errentaren gaineko erregelamendua.

2. Gizarteratze-errentaren prestazioaren gaineko erregelamendua garatuko duen foru dekretuak indarra hartu bitarte, foru lege honen 3. artikulua-ren 2. idatz-zatian eta 5. artikuluan aurreikusitako salbuespenak, prestazioa jasotzeko baldintzei eta prestazioa jasotzeko gehieneko epeari dagozkienak, hurrenez hurren, foru agindu bidez ezarriko ditu Gizarte Politika, Berdintasun, Kirol eta Gazteriarren kontseilariak.

Azken xedapenetan bigarrena. Arauak emateko ahalmena.

Ahalmena ematen zaio Nafarroako Gobernuari foru lege hau garatzeko behar diren xedapen guztiak emateko.

Azken xedapenetan hirugarrena. Indarra hartzea.

Foru lege honek Nafarroako Aldizkari Ofizialean argitara eman eta biharamunean hartuko du indarra.

B saila:
FORU LEGE PROPOSAMENAK

Foru Lege proposamena, Euskarari buruzko abenduaren 15eko 18/1986 Foru Legea hein batean aldatzekoa.

OSOKO BILKURAK AINTZAT EZ HARTUA

Legebiltzarrak, 2012ko urtarrilaren 17an egin-dako Osoko Bilkuran, erabaki zuen aintzat ez hartzea Izquierda-Ezkerra parlamentu-taldeak aurkeztutako Euskarari buruzko abenduaren 15eko 18/1986 Foru Legea hein batean aldatzeko Foru Lege proposamena.

Proposamen hori 2011ko urriaren 21eko 20. Nafarroako Parlamentuko Aldizkari Ofizialean argitaratu zen.

Iruñean, 2012ko urtarrilaren 18an

Lehendakaria: Alberto Catalán Higuera

Foru Lege proposamena, ordainsari publikoen mugei eta bateraezintasunei buruzkoa.

OSOKO BILKURAK AINTZAT EZ HARTUA

Legebiltzarrak, 2012ko urtarrilaren 17an egin-dako Osoko Bilkuran, erabaki zuen aintzat ez hartzea Izquierda-Ezkerra parlamentu-taldeak aurkeztutako Foru Lege proposamena, ordainsari publikoen mugei eta bateraezintasunei buruzkoa.

Proposamen hori 2011ko urriaren 21eko 20. Nafarroako Parlamentuko Aldizkari Ofizialean argitaratu zen.

Iruñean, 2012ko urtarrilaren 18an

Lehendakaria: Alberto Catalán Higuera

Foru Lege proposamena, Nafarroako Ogasun Publikoari buruzko apirilaren 4ko 13/2007 Foru Legea aldatzekoa.

OSOKO BILKURAK AINTZAT EZ HARTUA

Legebiltzarrak, 2012ko urtarrilaren 17an egin-dako Osoko Bilkuran, erabaki zuen aintzat ez hartzea Bildu-Nafarroa parlamentu-taldeak aurkeztutako Foru Lege proposamena, Nafarroako Ogasun Publikoari buruzko apirilaren 4ko 13/2007 Foru Legea aldatzekoa.

Proposamen hori 2011ko urriaren 21eko 20. Nafarroako Parlamentuko Aldizkari Ofizialean argitaratu zen.

Iruñean, 2012ko urtarrilaren 18an

Lehendakaria: Alberto Catalán Higuera

Foru Lege proposamena, Osasunari buruzko azaroaren 23ko 10/1990 Foru Legea aldatzekoa.

OSOKO BILKURAK AINTZAT EZ HARTUA

Legebiltzarrak, 2012ko urtarrilaren 17an egindako Osoko Bilkuran, erabaki zuen aintzat ez hartzea Bildu-Nafarroa parlamentu-taldeak aurkeztutako Foru Lege proposamena, Osasunari buruzko azaroaren 23ko 10/1990 Foru Legea aldatzekoa.

Proposamen hori 2011ko urriaren 21eko 20. Nafarroako Parlamentuko Aldizkari Ofizialean argitaratu zen.

Iruñean, 2012ko urtarrilaren 18an

Lehendakaria: Alberto Catalán Higuera

Foru Lege proposamena, Nafarroako Foru Komunitateko administrazioari buruzko abenduaren 3ko 15/2004 Foru Legeko 109. eta 126. artikulak aldatzekoa.

OSOKO BILKURAK AINTZAT EZ HARTUA

Legebiltzarrak, 2012ko urtarrilaren 17an egindako Osoko Bilkuran, erabaki zuen aintzat ez hartzea Izquierda-Ezkerra parlamentu-taldeak aurkeztutako Foru Lege proposamena, Nafarroako Foru Komunitateko administrazioari buruzko abenduaren 3ko 15/2004 Foru Legeko 109. eta 126. artikulak aldatzekoa.

Proposamen hori 2011ko urriaren 21eko 20. Nafarroako Parlamentuko Aldizkari Ofizialean argitaratu zen.

Iruñean, 2012ko urtarrilaren 18an

Lehendakaria: Alberto Catalán Higuera

E saila:
JABELDURAK, MOZIOAK ETA ADIERAZPEN POLITIKOAK

Erabakia. Horren bidez, Nafarroako Gobernua premiatzen da aurkez dezan babes ofizialeko etxebizitzaren moduluaren prezioari buruzko txosten bat.

OSOKO BILKURAK ONETSIA

Nafarroako Parlamentuko Osoko Bilkurak, 2012ko urtarrilaren 17an egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da aurkez dezan babes ofizialeko etxebizitzaren moduluaren prezioari buruzko txosten bat".

Legebiltzarreko Erregelamenduko 114. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut.

Iruñean, 2012ko urtarrilaren 18an

Lehendakaria: Alberto Catalán Higuera

Erabakia. Horren bidez, Nafarroako Gobernua premiatzen da aurkez dezan babes ofizialeko etxebizitzaren moduluaren prezioari buruzko txosten bat

"Nafarroako Parlamentuak Nafarroako Gobernua premiatzen du bi hilabeteko epean txosten bat aurkez dezan, jakiteko etxebizitzaren eraikuntza-sektorean izandako aldaketek zer ondorio ekarri dituzten eta jakiteko aldaketa horiek ikusita logikoa ote den babes ofizialeko etxebizitzaren moduluen prezioaren jaitsiera planteatzea."

Mozioa. Horren bidez, Nafarroako Gobernua premiatzen da "Zeure burua begietsi" proiektua garatzeko protokolo bat ezar dezan.

OSASUN BATZORDEAK BAZTER UTZIA

Marisa De Simón Caballero andreak ondoko mozioa aurkeztu zuen: "Mozioa. Horren bidez, Nafarroako Gobernua premiatzen da "Zeure burua begietsi" proiektua garatzeko protokolo bat ezar dezan".

Legebiltzarreko Osasun Batzordeak, 2012ko urtarrilaren 18an egindako Osoko Bilkuran, eraba-

ki zuen aurkeztutako mozioa baztertzea. Mozio hori 2011ko abenduaren 16ko 38. Nafarroako Parlamentuko Aldizkari Ofizialean argitaratu zen.

Iruñean, 2012ko urtarrilaren 18an

Lehendakaria: Alberto Catalán Higuera

Mozioa. Horren bidez, Nafarroako Gobernua premiatzen da azter dezan arrazoizkoa ote den Nafarroako Unibertsitateko langileen osasun prestazioa, oinarrizkoa nahiz espezializatua, kanpoan kontratatzen jarraitzea.

OSASUN BATZORDEAK BAZTER UTZIA

Bildu-Nafarroa parlamentu taldeak ondoko mozioa aurkeztu zuen: "Mozioa. Horren bidez, Nafarroako Gobernua premiatzen da azter dezan arrazoizkoa ote den Nafarroako Unibertsitateko langileen osasun prestazioa, oinarrizkoa nahiz espezializatua, kanpoan kontratatzen jarraitzea"

Legebiltzarreko Osasun Batzordeak, 2012ko urtarrilaren 18an egindako Osoko Bilkuran, erabaki zuen aurkeztutako mozioa baztertzea. Mozio hori 2011ko abenduaren 23ko 41. Nafarroako Parlamentuko Aldizkari Ofizialean argitaratu zen.

Iruñean, 2012ko urtarrilaren 18an

Lehendakaria: Alberto Catalán Higuera

